

**Peserta BERSIH muncul 4 kali dalam senarai polis  
MalaysiaKini.com  
May 12, 2012  
Oleh Wong Teck Chi**

Pengguna Internet mengenalpasti terdapat wajah berganda individu dikehendaki polis bagi membantu siasatan berhubung insiden dalam perhimpunan BERSIH 28 April lalu.

Mereka mengesan wajah seorang individu muncul empat kali dalam senarai 141 orang yang dikehendaki.

'Pendedahan' itu dikeluarkan selepas pihak berkuasa dikritik hebat ekoran penggunaan kekerasan ketika menyuraikan perhimpunan itu.

Peserta perhimpunan, dipercayai anggota Unit Amal PAS yang kelihatan gempal muncul empat kali dalam wajah yang dikeluarkan polis pada 9 Mei.

Gambarnya dilabel dengan nombor 7, 15, 18 dan 21.

Pengguna Facebook yang mengesahkan kesamaan itu dipercayai bernama Mohd Nor Amin Zainuddin.

Beliau mengesahkan komen itu di Facebook polis pada t 2.59 petang pada hari yang sama gambar itu dimuatnaik.